

仁宗睿皇帝實錄(五)

卷三〇二至卷三七四
嘉慶二十年至二十五年

清實錄

第三冊

中華書局影印

清 實 錄

(第 三二 冊)

仁 宗 實 錄 (五)

*

中 華 書 局 出 版

(北京王府井大街 36 號)

北京市中國書店發行

中國建築工業出版社印刷廠印刷

*

787×1092 毫米 1/16 · 59 1/2 印張

1986 年 8 月第 1 版 1986 年 8 月北京第 1 次印刷

印數 0,001——1,500 冊

統一書號: 11018 · 1355 —32 定價: 44.00 元

清實錄第三二冊目錄

仁宗睿皇帝實錄(五)

卷三〇二	嘉慶二十年正月	一
卷三〇三	嘉慶二十年二月	一七
卷三〇四	嘉慶二十年三月	二九
卷三〇五	嘉慶二十年四月	四二
卷三〇六	嘉慶二十年五月	六〇
卷三〇七	嘉慶二十年六月	七三
卷三〇八	嘉慶二十年七月	八七
卷三〇九	嘉慶二十年八月	一〇〇
卷三一〇	嘉慶二十年九月	一一三
卷三一一	嘉慶二十年十月	一二五
卷三一二	嘉慶二十年十一月	一三九
卷三一二	嘉慶二十年十二月上	一五八
卷三一二	嘉慶二十年十二月下	一六六
卷三一五	嘉慶二十一年正月	一八〇
卷三一六	嘉慶二十一年二月	一九三
卷三一七	嘉慶二十一年三月	二〇一
卷三一八	嘉慶二十一年四月至五月	二二二
卷三一九	嘉慶二十一年六月至閏六月	二二六
卷三二〇	嘉慶二十一年七月	二三八
卷三二一	嘉慶二十一年八月	二四八
卷三二二	嘉慶二十一年九月	二五六
卷三二三	嘉慶二十一年十月	二六四
卷三二四	嘉慶二十一年十一月	二七三
卷三二五	嘉慶二十一年十二月	二八五
卷三二六	嘉慶二十二年正月	二九四
卷三二七	嘉慶二十二年二月	三〇八
卷三二八	嘉慶二十二年三月	三二〇
卷三二九	嘉慶二十二年四月	三三一
卷三三〇	嘉慶二十二年五月	三四三
卷三三一	嘉慶二十二年六月	三六〇
卷三三二	嘉慶二十二年七月	三七七
卷三三三	嘉慶二十二年八月	三九一
卷三三四	嘉慶二十二年九月	四〇一
卷三三五	嘉慶二十二年十月	四一四

仁宗實錄

卷二二六	嘉慶二十二年十一月	四三八	卷二五五	嘉慶二十四年三月	六八二
卷二二七	嘉慶二十二年十二月	四四三	卷二五六	嘉慶二十四年四月	六九四
卷二二八	嘉慶二十三年正月	四六〇	卷二五七	嘉慶二十四年閏四月	七〇四
卷二二九	嘉慶二十三年二月	四七二	卷二五八	嘉慶二十四年五月	七一九
卷二四〇	嘉慶二十三年三月	四八六	卷二五九	嘉慶二十四年六月	七三四
卷二四一	嘉慶二十三年四月	四九七	卷二六〇	嘉慶二十四年七月	七四三
卷二四二	嘉慶二十三年五月	五一五	卷二六一	嘉慶二十四年八月	七五七
卷二四三	嘉慶二十三年六月	五三二	卷二六二	嘉慶二十四年九月	七七二
卷二四四	嘉慶二十三年七月	五四九	卷二六三	嘉慶二十四年十月	七八五
卷二四五	嘉慶二十三年八月	五五九	卷二六四	嘉慶二十四年十一月	八〇四
卷二四六	嘉慶二十三年九月上	五七一	卷二六五	嘉慶二十四年十二月	八三〇
卷二四七	嘉慶二十三年九月下	五八三	卷二六六	嘉慶二十五年正月	八三九
卷二四八	嘉慶二十三年十月	五九三	卷二六七	嘉慶二十五年二月	八四九
卷二四九	嘉慶二十三年十一月上	六〇八	卷二六八	嘉慶二十五年三月	八六〇
卷二五〇	嘉慶二十三年十一月下	六一八	卷二六九	嘉慶二十五年四月	八七〇
卷二五一	嘉慶二十三年十二月上	六三一	卷二七〇	嘉慶二十五年五月上	八八八
卷二五二	嘉慶二十三年十二月下	六四一	卷二七一	嘉慶二十五年五月下	八九八
卷二五三	嘉慶二十四年正月	六五三	卷二七二	嘉慶二十五年六月	九〇九
卷二五四	嘉慶二十四年二月	六六五	卷二七三	嘉慶二十五年七月上	九二五

卷三七四

嘉慶二十五年七月下

九三五

清實錄影印本第三冊目錄

大清仁宗受天興運數化綏猷崇文經武孝恭勤儉瑞敏英哲睿皇帝實錄卷之三百二

嘉慶二十一年春正月丁亥朔
上詣奉先殿行禮○詣堂子行禮○遣官祭太廟後殿○御太和殿受朝作樂宣表如儀○詣大高殿壽皇殿行禮○御乾清宮賜皇子皇孫親藩等宴○展賑奉天遼陽牛莊廣寧承德鐵嶺開原蓋平七處上年被水旗民○緩徵直隸豐

嘉慶二十年乙亥春正月丁亥朔

上詣

奉先殿行禮○詣

堂子行禮○遣官祭

太廟後殿○御太和殿受朝作樂宣表如儀○

詣

大高殿

壽皇殿行禮○御乾清宮賜皇子皇孫親藩等

宴○展賑奉天遼陽牛莊廣寧承德鐵嶺開

原蓋平七處上年被水旗民○緩徵直隸豐

潤寶坻龍門定東安青靜海滄鹽山新河冀

肥鄉東鹿文安景清苑滿城安肅唐博野望

都完祁南皮正定新樂易大城新安二十九

州縣上年水災旱災本年額賦旗租○展賑

江蘇句容縣上年被旱被水災民○貸兩浙

下砂頭場下砂二三場青村袁浦橫浦浦東

六場上年被旱寬戶口糧○貸江西星子都

昌建昌安義德安瑞昌彭澤德化南昌新建

豐城十一縣上年被水被旱災民籽種並平

糶倉穀○貸浙江仁和錢塘海寧餘杭臨安

於潛嘉興秀水海鹽石門桐鄉歸安烏程長

興德清武康安吉孝豐十八州縣及杭嚴嘉

湖二衛上年被旱災民籽種○賑安徽蒙城

懷遠鳳陽盱眙天長五河銅陵合肥廬江巢

壽定遠鳳臺霍邱泗桐城全椒來安宿靈璧

亳寧國建德東流貴池懷寧望江宣城涇南

陵三十州縣上年被水被旱災民並貸籽種

○貸兩淮富安安豐梁垛東臺河垛丁溪草

堰七場。上年被旱被水。竈戶一月口糧。並劉莊。伍佑。新興三場草本。○貸陝西寶雞寧陝孝義藍田。雒南。膚施。鳳。褒。城。大荔。蒲城。朝邑。華陰。華潼關。十四廳州縣。上年被水被雹災。民口糧。展賑榆林。懷遠。葭。神木。府谷。綏德。米脂。七州縣災民。○貸甘肅皋蘭。靖遠。鹽。茶。靈。中衛。平羅。寧朔。七廳州縣。及紅水縣丞所屬。上年被旱被霜被水災民籽種口糧。○貸山西保德。岢嵐。嵐。興。靜樂。臨。河。曲。五寨。偏關。托克托。城。十廳州縣。上年被旱被霜災民籽種。並緩徵托克托。城。舊欠米石。○給河南睢寧。陵。商。邱。鹿。邑。柘。城。五州縣。上年被水災民一月口糧。貸光固。始商。城。光。山。四州縣。上年被旱災民倉穀。○戊子。

上以上辛祈穀於

上帝。自是日始齋戒三日。○己丑。

高宗純皇帝忌辰遣官祭

裕陵。○諭內閣富俊奏吉林煤斤仍請試採一

摺吉林旗民生齒日繁。木山採伐漸遠。取薪不易。自係實在情形。著准其於缸窰胡家屯。營盤溝田家屯。即半拉山。丁家溝波泥河。六處開採煤斤。以裕旗民生計。仍責成該將軍妥立章程。約束稽察。如辦理不善。以致滋生事端。惟該將軍是問。○庚寅。

上詰

南郊齋宮齋宿。○諭軍機大臣等。章煦奏查辦東省倉庫及現在緝匪情形一摺。東省倉庫

虧缺。其在十四年以前者。據稱已將實數查明條分縷析。約開印前後。即可議定章程。開單具奏。其十五年起至上年九月止。屬冊尚未提齊。且州縣與司書通同捏混。挪東掩西。一時不能得其底裏。懇求展限一二年詳細勾稽。以免事後轉輾等語。查辦虧空。全在章程周妥。果能斟酌盡善。實力奉行。自有成效。東省十四年以前虧空。既經查有實數。此時按銀數之多寡。定追繳之遲速。應如何分別

辦理使帑項胥歸有著之處著章煦悉心覈定奏准後交陳預督率所屬實力遵辦其十四年以後虧缺之數一時雖未能查明此時亦當議定章程將來陸續查清以次覈辦此事尚須展限一二年章煦斷無在彼久待之理伊總須將章程酌擬周密無舛無漏設所議不能妥善將來行之無效彼時必仍派章煦再往覆查不能置身事外也至緝匪之法據稱東省編查保甲尚為認真遲早總可就

獲等語保甲原屬緝匪良法然編之既須周詳查之尤當嚴密即如京城上年緝獲逆犯多名皆非單內緝拏之犯該犯等因見各處張貼緝匪名單並無伊等姓名在內是以心無顧忌並不更改名姓自外回歸旋被踣獲其最要次要各犯必係因沿途賞格顯列姓名悉皆更名改姓潛迹潛蹤此時多已編入排甲之內東省保甲章煦雖督率認真究恐不足深恃仍當通飭府縣詳加查察勿得於

一編之後即視為具文以致有名無實章煦回京之後此事責成陳預時時留心以期逆犯早獲普臻寧謐也將此諭令知之 辛卯祈穀於

上帝

上親詣行禮 壬辰

上詣

雍和宮行禮

火神廟拈香 癸巳

以祖章皇帝忌辰遣官祭

孝陵諭內閣朕自本年二月初九日起閱看前鋒護軍營暨圓明園官兵步箭著各挑選二百名以一百名豫備朕閱看一百名派阿哥王大臣等閱看其在朕前射箭者每日豫備二十五名仍照例進緣頭牌每名射箭二枝如遇朔望及朕臨幸各處之期毋庸豫備其閱看之阿哥王大臣著領侍衛內大臣等奏請簡派 甲午享

太廟命

皇次子智親王 恭代行禮。

上御重華宮茶宴廷臣。及內廷翰林以穀日聯

句。遣官祭

太歲之神。乙未。

上御紫光閣。賜蒙古王貝勒貝子公額駙台吉

及回部伯克外藩使臣等宴。並賞賚有差。

諭內閣廣厚奏籌辦動碾倉穀漕船灑帶米

數一摺。湖南省漕船共一百七十八隻。向來

搭運通米。祇能帶米五萬石。該省現有搭運

十八年各丁緩交餘米。及截存臨清倉米。共

一萬五千七百餘石。覈計祇可灑帶動碾倉

米三萬六千石。著照該撫所請。先儘附近水

次各州縣動碾倉穀七萬二千石。計米三萬

六千石。運赴岳州漕船受兌處所。與新漕一

併交丁兌運。其餘應碾穀十二萬八千石。計

米六萬四千石。俟下次漕船灑帶運通。無庸

雇覓民船。以省運費。丙申。以兵部左侍郎

禧恩為總管內務府大臣。丁酉。

上詣

大高殿行禮。幸圓明園。詣

安佑宮行禮。諭內閣。托津景安奏遵旨查辦

初彭齡原參百齡張師誠一案。據實查明分

別。參奏一摺。此案前據初彭齡參奏百齡於

兼署巡撫時。管關道員鍾琦。曾經幫貼摺差

盤費銀一千二百兩。張師誠告假在籍時。差

弁奏事及到任後。遣人回家一切盤費。俱在

稅項內動支。又張師誠向管關道員劉澐查

問關稅。劉澐因此送銀二千兩。並風聞百齡

尚有收受永豐壩泰壩委員餽送銀二萬餘

兩之事。特派托津等馳往清江東公查辦。茲

據托津等查明。此項巡撫衙門提取兩關銀

兩。係相沿陋規。由來已久。此次百齡署巡撫

時。曾因蘇屬出差兵丁口食不敷。由藩司議

詳在海關提銀一千二百兩。揚閩提銀八百

兩。發縣生息。以資津貼。至張師誠未到任時。

摺差等項委係自發盤費。即到任後亦實未動用稅銀。其劉澧解送公費銀二千兩。張師誠亦駁斥未收。至兩壩解送總督衙門銀兩。係奏明批解公費。此外百齡並無收受餽送情事。是初彭齡原奏均係不確。初彭齡原奏摺內。據稱百齡張師誠節次需索提用銀數。係由藩司常格告知。經朕派令軍機大臣傳到常格兩次詰訊。常格堅稱並無此語。昨初彭齡覆奏摺內。亦自稱輕率入告。陳奏失當。

不能舉出證據。無可置辯等語。初彭齡奏事不實。咎無可辭。著交部嚴加議處。伊現在承審銅山縣監生崔雨辰控案。審結後即行來京聽候部議。百齡提取兩關稅項銀兩發縣生息。以資兵丁差費。雖係以公濟公。惟率據司詳。並不奏明辦理。究屬不合。著交部議處。張師誠於摺差等項盤費。並未支用關項。其在籍居住時。江蘇標弁就近迎至其家。張師誠即應以尚未到任飭令回蘇。乃留供差遣。

亦有不合。其過尚輕。著改為交部察議。至陳桂生前因督催上忙不力。經初彭齡奏。續又劾其於所屬虧短庫項。掩蓋彌縫。職職逮問。今據托津等查明陳桂生先後詳稟各案。並無含混隱匿情弊。其所催上忙。亦已完報七分有餘。陳桂生著來京以從四品京堂補用。尋議上得旨。吏部具奏議處。初彭齡等一摺。初彭齡秉性褻急。素以糾彈為能。經朕屢加訓誡。以嫉惡過嚴。本屬為公然輕於舉發。

不察虛實。久之為人窺測。即有造為萋菲之詞。賺令排擊者。在己方以為持正。而不知適為人所利用。藉以快其私忿。此次所參百齡張師誠各款。如果屬實。試思伊等當得何罪。豈僅褫革所能蔽辜。乃率以無據游詞。飛章入奏。殊屬輕躁。部議降二級調用。實為咎所應得。因伊任內有革職留任之案。議以革任。初彭齡尚不至廢棄。著加恩照所降之級。以內閣學士來京候補。餘依議。○戊戌諭內閣。此

案袁昌一犯前經王以銜奏按試通州時於海門廳文童內查出該犯有習西洋教傳徒做錢情事已飭該州查拏並移咨督撫等語當經降旨交百齡張師誠飭查究辦茲據該督等奏稱該州知州俞穎達稟報袁昌習教念經一案與考試無涉作為自行訪獲通稟並將學政原札繳銷該州於所屬境內習教人犯平時不能訪緝經學政查出發審乃捏詞稟報冀圖卸過邀功膽大無恥甚屬可惡

俞穎達著即革職交該督等提同兵役案犯人等嚴審定擬具奏○諭軍機大臣等百齡等奏接據藩司楊毓詳參嘉定寶山奉賢三縣未完下忙錢糧有二萬數千兩一萬數千兩不等請將知縣吳桓姚鳳楷張敏求三員革職並聲稱該三縣均係有漕之處難以驟易生手俱請暫留本任其督催不力之松江府宋如林太倉州朱景昌先行革去頂帶予限督催經該督等查與新定章程不符業經

批駁等語官虧民欠情事判然州縣未完之項如係官員虧缺即當查明嚴參離任著追分別覈辦如係官員虧缺而詭言民欠更應加重治罪以儆貪墨若果係民欠則當於奏銷時按照分數將經徵督催各員分別參處必須區別分明不容淆混江蘇省查辦虧空甫經議定章程期於法在必行今嘉定等三縣未完銀兩究竟係屬官虧抑係民欠並未查明籠統參辦如民欠屬實則此時奏銷尚早何遽將三縣先予革職處分若竟係以完作欠侵蝕官帑則此時立法之初既已參奏革職又復藉辦漕為詞聲請暫留本任是又為不肖劣員開懸缺之門似嚴實寬通省州縣更復何所儆懼新定章程豈不竟成虛設耶所有嘉定等三縣未完下忙錢糧著該督撫確實查明分別覈辦嗣後惟當恪遵新例實力奉行如有應行參劾之員均不得藉經手要事為名復請留任以杜掩飾將此諭令

知之○貸江寧八旗官兵米折銀○己亥貸
陝西定遠寧羌畧陽褒城四廳州縣上年歉
收貧民倉糧吳堡清澗延長保安延川安定
定邊靖邊八縣貧民口糧○庚子

上御奉三無私殿賜皇子皇孫親藩等宴○御
山高水長賜王公大臣蒙古王貝勒貝子公
額駙台吉及回部伯克外藩使臣等食至壬
寅皆如之○諭內閣吳璥等奏工用不敷酌
撥本省藩庫銀兩以濟急需一摺昨工需用

銀兩前經約估三百八十萬兩之數茲據稱
十八十九兩年未開工以前已動用銀二十
餘萬兩開工以後築壩挑河等工實止用撥
餉銀三百五十餘萬兩現在物料昂貴車船
運送維艱其雜料夫土等項不能悉照原估
經費實屬不敷等語大工即日告竣一應支
發急需接濟著准其將藩庫收存浙江鹽務
及廣東捐銀協濟昨工銀十一萬兩一款及
捐復捐監雜款等項提撥銀三十餘萬兩並

借用例扣平飯等銀俟工竣後分別應銷應
賠及應行攤徵詳晰奏明覈實辦理○辛丑
上詣

安佑宮行禮○御正大光明殿賜朝正外藩等
宴作樂賜酒如除夕儀○諭內閣張映漢奏
動碾倉穀搭運赴通並籌借南米湊運一摺
湖北省額貯倉穀除碾動撥補兵食及平糶
外實存倉穀四十五萬五千餘石著照該撫
所請就近省臨江瀕河之州縣內酌量分派
共動倉穀十萬石碾米五萬石並將該省本
年應解荊州兵米之各州縣徵存南漕兩項
餘剩耗米及淤田案內新升科徵存正耗南
米及十九年應徵正耗南米內撥出二萬石
與動碾倉穀共米七萬石統交漕船運通交
納所有運兌籌給津貼一應事宜均著照該
撫所奏辦理其荊州南米借撥二萬石著該
撫即責成荊州府按照每月月報時價隨時
採買供支兵食以補借額買米價值由該省

藩庫內收存各項工程二成平餘並正案留防軍需報撥及逆產變價等款銀內陸續給發採辦事竣據實造冊報部覈銷○諭軍機大臣等那彥成自上年到直隸總督任後一年之間於奉旨飭緝要犯並未拏獲一名京城步軍統領衙門順天府五城除上年拏獲逸犯多名不論外今年自元旦至今半月已據連獲馬文通馬文明馬文亮張玉龍甘牛子曹黑子六名俱經軍機大臣會同刑部訊

平定縣志

十一

明該犯等皆曾攜帶刀布或至東華門或至花兒市先後錄供具奏因尚係年節俟開印後再行奏辦其餘各逆犯戚屬宋才等解部質訊者尚有數名京師每逢年節舉行祭祀朝賀筵宴諸典禮儀節繁多然仍照常辦事各該衙門俱不敢稍形懈弛那彥成在保定度歲閒暇無事除初二日奏過得雪情形盤查藩庫及五世同堂三摺外旬日來並未陳奏事件亦未將緝捕情形遵旨具奏不知伊

是何意見現在京城所獲各賊多係於前歲潛逃後在京外謀食近始回村即被拏獲其在直境時各該州縣均未訪拏可見地方官全不以事為事所謂明查暗訪者皆係空言欺君玩法似此因循各逆犯當於何時捕獲淨盡耶那彥成務當激發天良知愧知奮飭屬認真緝捕俾要犯迅就弋獲毋得仍前玩泄也上元節日殊論汝知者看汝造化耳禍福惟汝自造慎之將此諭令知之○壬寅

平定縣志

十一

上御正大光明殿賜大學士尚書等宴○諭內閣前年逆案内自京逸出者有祝現等五犯自滑城逸出者有劉成章一犯均係逆首林清李文成同謀糾串渠魁其餘開單飭緝次要犯五十餘名亦係從逆匪徒所以屢經降旨必欲緝拏者將令罪人斯得亟正刑誅以彰國憲其事猶小實以此等梟獍之徒若稍留餘孽在此時不過匿跡偷生苟延喘息日久查拏漸弛又必煽誘愚民復生萌孽天下

氓庶皆朕赤子。欲使長享太平。必當淨除餘
惡。以保善良。本年自立春以後。瑞雪優霑。各
省普徧仰見。

上蒼垂鑒。亦因除莠安良。事非獲已。是以

天心允協。錫福降康。凡我臣民。皆當同深欽感。
著通諭直隸河南山西四省督撫提鎮
藩臬。以及道府州縣佐貳等官。大小同心。將
飭緝最要次要各犯。嚴密查緝。不可稍有擾
累良民。現在京城節次所獲餘犯。於前年滋

事後。無不更改姓名。混跡覓食。所有飭緝各
要犯。俱曾見有賞格。開寫姓名年貌。自必更
改姓名。在同教之家。隱秘窩藏。總須密訪真
確。一捕即獲。則地方毫無驚擾。而該逆犯等
次第弋獲。一無漏網。從此寰寓永慶教寧。將
來逆犯就獲時。即訊明自前年九月以後。在
境內藏匿。其該管地方官。縱失察年餘。不惟
免其處分。仍必加以升賞。將此剴切曉諭。各
官吏當共釋疑慮。咸圖自奮。勉副朕意。○癸

卯。諭軍機大臣等。伯麟等奏。勦辦騰越邊界
野匪完竣。一摺。幫中野夷屢次滋擾。經內地
兵練隨時捕逐。仍不知斂跡。自當示以兵威。
以寧邊境。惟該夷首惡四貫。糾結多至二千
餘人。並有聲言欲搶內地之事。該省大員。即
應親自帶兵前往督辦。伯麟因兼攝撫篆。不
便遠離省會。尚屬有辭。提督雙林。自應親赴
該處。不獨藉資調度。其於該弁兵等。孰為出
力。見聞亦確。勸懲方能公允。現在幫中野匪。

業已勦辦完竣。姑置無論。嗣後邊徼之間。如
有似此派兵勦捕之事。必須大員親往。以專
責成。此次首惡四貫。是否實係鎗斃。著伯齡
等再行確查。其在事出力文武員弁。及帶練
土司。該督等切實查明。擇其實在出力者。據
實保奏。不可徇情濫舉。稍涉虛冒。其陣傷亡
故弁兵目練。亦著查明咨部。照例議卹。應需
糧餉。即照所請。准其捐辦。無庸開銷。將此諭
令知之。○又諭。據常明奏。向來川省地方。偶

遇歉收皆由地方官詳請借穀平糶至冬春之際貧民乏食的撥借糶贏餘銀兩買米煮賑設有不敷官為捐補從未辦過災賑上年保寧一府收成僅止五分今春青黃不接之時必須接濟等語朕軫念民艱無時或釋直省地方偶有偏災不惜發帑賑卹俾無一夫失所其辦理災區分數俱有定例可循該督職任封圻如地方年歲歉收民食實形拮据亦豈得因該省向未辦災不恤民困上年保

平糶

上

平糶

上

寧各屬收成僅止五分現屆青黃不接之時或應平糶或應煮賑迅即查明分別籌辦常明務督飭該地方官認真經理勿令貧民乏食別滋事端以河東河道總督吳璥為兵部尚書河東副總河李鴻賓為河道總督以甘肅中衛協副將何占鼇為江南徐州鎮總兵官乙巳上御山高水長賜王公大臣蒙古王貝勒貝子公額駙台吉及外藩使臣等食丙午

上幸萬壽山○諭內閣朱勳奏查辦孝義廳滋事匪徒並究出傳教首犯均即拏獲地方寧謐一摺據稱上年十二月二十七日接據江口文武官稟報孝義廳菩薩殿地方於二十一夜間有匪徒十餘人持械搶奪燒燬民房戕害鄉約人等沿途裹脅四五十人於二十日竄至鎮安縣屬楊泗廟地方經該處鄉約項三泰等率同民人二百餘人堵住山口該匪用矛抵拒立時打斃賊匪張老四李志花二名維時江口營千總彭太禮帶兵追至即將為首之李志廣擒獲餘匪逃散嗣經鎮安孝義文武各官將賊目華貴李志遠等拏獲並訊出傳教之王三楚王四海楊勝文等三名均經按名捕獲現在解省審辦等語所辦甚為妥速地方間有一二莠民倡亂滋事惟在文武官併力同心及其初起之時迅即撲滅不任蔓延致煩軍旅則所保全者不可勝計此次賊首李志廣等素習白蓮邪教私

結徒黨十餘人焚掠村莊甫經起事即被地方官弁兵民協力擒拏不過一二日間辦理淨盡殊為可嘉千總彭太禮帶兵迅往擒獲首犯著加恩以守備升用先換頂帶遇缺即補其鄉約項三秦范明祥韓興棟徐郭治等四人率集鄉民悉力堵截均著加恩賞給八品頂帶以示獎勵所有捕獲各犯現在該撫提省審辦著於審明後按律問擬一面奏明一面分別正法仍將各要犯傳首滋事地方

臬示以昭炯戒其未獲餘犯高大有等三名並著飭令上緊捕獲審明辦理毋任漏網○諭軍機大臣等御史葉申萬奏訪聞昨工情形一摺據稱該處引河挑溝工程早經呈報完竣臘月二十九日經溫承惠查出高仰處所自三四尺至六七尺不等約計段落共有三千餘丈吳璣等始改派唐仁埴陳啟文張裕慶三人分投趕挑其原承辦引河各員草率延誤於前此時轉脫身事外無以昭舉劾

之令且恐河員相率效尤等語前降諭旨令那彥寶等於冰融後督率工員趕緊進占於十七日開放引河二十日當可合龍朕連日盼望開放引河之報乃據該御史所奏則引河尚多高仰現在加挑此事何以未據那彥寶等奏聞著即查明原挑引河工程因何尚覺高仰如果係承挑之員草率貽誤惟當據實奏奏勿稍諱飾此次加挑引河工程究於何日報竣約計何日可以開放何日可以合

龍一併迅速具奏將此諭令知之○丁未甘肅提督滿尚佐湖南提督魁保俱以疾解任以陝西漢中鎮總兵官楊芳為甘肅提督陝西陝安鎮總兵官祝廷彪為湖南提督調江南徐州鎮總兵官何占鼐為漢中鎮總兵官以江西南昌城守協副將楊長棟為徐州鎮總兵官甘肅永固協副將劉管城為陝安鎮總兵官○戊申諭軍機大臣等先福奏嚴查甘肅各州縣倉穀並刪減採買兵糧一摺甘